

Na osnovu člana 128. stav (4) Zakona o osiguranju („Službene novine Federacije BiH“, br. 23/17 i 103/21) Agencija za nadzor osiguranja Federacije Bosne i Hercegovine d a j e

IZMJENU MIŠLJENJA

o primjeni Odluke o uslovima za osiguranje vlasnika vozila od odgovornosti za štetu prouzrokovanu trećim licima i Odluke o načinu utvrđivanja tarife premije i cjenovnika za osiguranje vlasnika vozila od odgovornosti za štetu prouzrokovanu trećim licima broj: 01-059-3514/20 od 07.12.2020. godine i broj: 02-04-3514-2/20 od 25.09.2023. godine

U Mišljenju o primjeni Odluke o uslovima za osiguranje vlasnika vozila od odgovornosti za štetu prouzrokovanu trećim licima i Odluke o načinu utvrđivanja tarife premije i cjenovnika za osiguranje vlasnika vozila od odgovornosti za štetu prouzrokovanu trećim licima broj: 01-059-3514/20 od 07.12.2020. godine i broj: 02-04-3514-2/20 od 25.09.2023. godine tačka 3. mijenja se i glasi:

„3. Dokaz o izvršenoj odjavi vozila

Dokazi na osnovu kojih društvo za osiguranje utvrđuje status osiguranog vozila osiguranika su:

- Potvrda/uvjerenje nadležnog organa za registraciju motornog vozila na kome je evidentirano da je predmetno vozilo odjavljeno iz razloga (uništenje, mirovanje, prodaja, itd.), ili
- Ovjerena kopija potvrde o registraciji na kojoj je naveden podatak o odjavi vozila sa datumom odjave (zbog zaštite ličnih podataka na kopiji potvrde o registraciji obavezno je precrtati i učiniti nečitljivim lične podatke posebno one koji se odnose na ime i prezime, adresu i matični broj), ili
- Ovjerena kopija vlasničke knjižice na kojoj je naveden podatak o odjavi vozila sa datumom odjave (zbog zaštite ličnih podataka na kopiji vlasničke knjižice obavezno je precrtati i učiniti nečitljivim lične podatke posebno one koji se odnose na ime i prezime, adresu i matični broj).

Pored naprijed navedenog dokumenata, ukoliko se iz evidentiranih podataka na istom ne može utvrditi razlog odjave, osiguranik je obavezan da dostavi ovjerene kopije drugih dokumenata kojima dokazuju razloge kao što su: ugovor o kupoprodaji, izjava o nekorisćenju vozila i sl. Na ovjerenim kopijama dokumenata kojima se dokazuje razlog odjave vozila obavezno je precrtati i učiniti nečitljivim lične podatke o trećim licima koja se pojavljuju na istim, posebno one koji se odnose na ime i prezime, adresu i matični broj.“

Broj: 02-04-3514-4/20
U Sarajevu, 16.10.2023. godine

